

年譜

汲郡呂天防撰



睿宗先天元年癸丑用生於是年按甫誌及傳皆云
年五十九卒於大曆五年辛亥故也

玄宗開元元年甲寅

開元三年丙辰觀公孫弟子舞劍器詩序云開元三
年余尚童稚於郾城觀公孫氏舞劍器按甫是
年纔四歲年必有誤

開元二十九年壬午

天寶元年癸未集有天寶初南曹司寇為山詩時年
三十一

三、飛五

在字並日

天寶十一年癸巳上韋左相詩云鳳曆軒轅紀龍飛
四十春是年玄宗即位四十年時有兵車行天
寶中詩麗人行

天寶十二年乙未是年有三大禮賦序臣生陛下溥
樸之俗四十年矣時年四十三

天寶十四年丙申是年十一月初自京赴奉先有詠
懷詩是月有祿山之亂

天寶十五年丁酉是年七月肅宗即位改至德元年
是年避寇於馮翊有白水高齋三川觀漲詩六
月帝西幸七月至蜀郡時有哀王孫詩

至德二年戊戌是年自城中竄歸鳳翔拜左拾遺有

薦岑參謝口敕放推問狀八月墨制放往鄜州
有北征詩

乾元元年己亥是年移華州司功有試進士策爲郭
使君論殘寇狀時有新安吏石壕吏新婚別垂
老別無家別留花門洗兵馬詩

乾元二年庚子是年棄官之秦州自秦適同谷自同
谷入蜀時有遣興三百首

上元元年辛丑是年在蜀郡有自冀集行云即今條
忽已五十按是年年四十九時有杜鵑行石犀
行古栢行病橘病栢枯樓枯柵憶昔各一首述
上元二年壬寅是年嚴武鎮成都甫往依焉

寶應元年癸卯詩有元年建巳月乃是年也

代宗廣德元年申辰是年有祭房相國文嚴武再鎮
西川奏甫節度參謀檢校工部員外郎作傷春
五首

永泰元年丙午嚴武平蜀亂甫遊東川除京兆功曹
不赴

大曆元年丁未移居夔

大曆二年己酉離峽中之荆南至湘潭

大曆五年辛亥有追酬高適人日詩是年夏甫還襄
漢卒於岳陽

予苦韓文杜詩之多誤旣讎正之又各爲

年譜以次第其出處之歲月而略見其爲
文之時則其歌時傷世幽憂切歎之意粲
然可觀又得以考其辭力少而銳壯而肆
老而嚴非妙於文章不足以至此汲郡呂
大防記

東萊蔡興宗重編

玄宗先天元年壬子

先生姓杜氏諱甫字子美其先襄陽人後徙河
南之鞏縣晉鎮南大將軍當陽城侯預之十三
世孫曾祖依藝監察御史洛州鞏縣令祖審言
修文館學士尚書膳部員外郎父閑京兆府奉

上寺譜

三

天縣令先生生於是歲元微之撰墓係云享年
五十九王原叔集記云卒於大曆五年是也按
唐史明皇傳位後始改元而呂汲公所編年譜
作睿宗先天元年癸丑皆誤

天寶五載丙戌

三載正月詔改年爲載

有飲中八仙歌略曰左相日興費萬錢飲如長
鯨吸百川銜盃樂聖稱避賢按唐史是歲四月
李適之自左相罷政七月坐韋堅累貶宜春太
守明年正月自殺適之嘗賦詩云避賢初罷相
樂聖且傳盃集中誤爲稱世賢

九載庚寅

時年三十九是歲冬進三大禮賦進表曰臣生
陛下淳樸之俗行四十載矣其賦曰冬十有一
月天子將納處士之議又曰明年孟陬將摠大
禮又曰壬辰既格于道祖又曰甲午方有事於
采壇按唐史十載春正月壬辰上朝獻太清宮
癸巳朝享太廟甲午合祀天地於南郊而新書
列傳集記舊譜及賦題之下註文皆作十三年
非也

十載辛卯

有杜位宅守歲詩略曰四十明朝過乃是歲也
按新書列傳集記皆以先生獻三大禮賦明皇

奇之召試文章授河西尉不拜改右衛率府胄
曹則或在此載下而考秋述文曰我棄物也四
十無位又十二載進封西岳賦表略曰臣本杜
陵諸生年過四十嘗困於衣食蓋長安一疋夫
耳頃歲國家有事於郊廟幸得奏賦待制於集
賢委學官試文章再降恩澤送疑有司參列選
序又贈韋左丞詩有曰主上頃見徵歛然欲求
伸青冥却垂翅躡躡無縱鱗乃知先生進三賦
後纔俾參列選序則罷尉河西改授胄曹其在
天寶之末載乎故夔府書懷詩有曰昔罷河西
尉初興薊北師是也

十一載壬辰

麗人行之謂丞相者楊國忠也按唐史是冬國忠始拜相當是次歲以後詩而舊譜入此載非也

十二載癸巳

有投贈哥舒開府翰詩略曰歸來御席同又曰
茹土加名數送蔡希魯還隴右因寄高書記詩
註曰時哥舒入奏勒蔡子先歸其詩有曰春城
赴上都按唐史十一載哥舒翰加開府儀同三
司冬入朝是載春進封涼國公

十三載甲午

冬進封西岳賦賦序曰上既封太山之後三十
年按唐史開元十三年乙丑歲封太山至是三十
年矣有上韋丞相詩略曰龍飛四十春又曰霖
雨思賢佐按唐史以是歲苦雨潦閱六旬上謂
宰相非其人罷陳希烈拜韋見素時明皇在位
四十二年蓋詩得略舉成數非若進賦之可據
而舊譜入十一載皆誤

十四載乙未

冬十一月有自京赴奉先縣詠懷詩按唐史是
月安祿山反於范陽

肅宗至德元載丙申

夏五月挈家避地鄜州有白水縣高齋三川觀
漲塞廬子詩即自鄜挺身赴朝廷遂陷賊中後
在夔州有詩略曰往在西京時胡來蒲彤宮按
唐史六月祿山犯長安七月肅宗即帝位於靈
武改元本傳謂先生聞肅宗立自鄜羸服欲奔
行在爲賊所得非也冬有悲陳陶悲青坂哀王
孫諸詩

二載丁酉

春猶陷賊中有哀江頭大雲寺贊公房得舍弟
消息諸詩夏竄歸行在所於鳳翔拜左拾遺有
述懷送長孫侍御送樊侍御送從弟亞彭衙行

三十五

七

六

諸詩秋閏八月奉詔至鄜迎家有九成宮徒步
得玉華宮北征羗村諸詩復歸鳳翔有送韋評
事詩冬十月扈從還京有病後遇王倚飲臘日
諸詩

乾元元年戊戌

二月改元復以載爲年

春在諫省有簡薛華醉歌送程錄事晦日尋崔
戢李封雨過蘇端喜晴洗兵馬備仄行送李校
書留花門諸詩夏六月出爲華州司功有爲郭
使君進滅殘寇形勢狀試進士策問至日遣興
寄兩院遺補詩冬末以事之東都有瘦馬行路
逢楊少府入京戲題呈楊負外閩鄉姜七少府

設鱸秦少公短歌胡城東遇孟雲卿李鄠縣胡馬行詩

二年己亥

春三月回自東都有新安吏石壕吏潼關吏新昏別垂老別無家別詩按唐史是月八日壬申九節度之師潰於相州夏在華州有夏日歎夏夜歎詩秋七月棄官往居秦州有寄賈至嚴武詩略曰舊好腸堪斷新愁眼欲穿其一秋賦詩至多冬十月赴同谷縣有紀行十二首七歌萬丈潭詩十二月一日自隴右赴劔南又有紀行十二首首篇曰一歲四行役是也又成都府詩曰

二五十五

七季普

七

季冬樹木蒼乃以是月至劔南而元祐間胡資政守蜀作草堂詩碑引云先生至成都之年月不可考蓋未詳也

上元元年庚子

是歲春卜居成都浣花溪上賦詩至多後在東川寄題江外草堂詩略曰經營上元始斷手寶應年按唐史十一月揚州長史劉展反陷昇潤等州

二年辛丑

有百憂集詩時年五十有喜雨詩註曰時聞浙右多盜賊戲作花卿歌按唐史夏四月劔南東

川兵馬使段子璋反陷絳州五月劔南節度使
崔光遠克東川子璋伏誅秋九月大赦以十一
月爲歲首去年號稱元年月以斗所建辰爲名
草堂即事略曰荒村建子月乃是歲詩也

寶應元年壬寅

春建卯月有說旱文註曰初中丞嚴公節制劔
南日奉此說又有遭田父泥飲美新尹嚴中丞
詩夏有戲贈友二首皆曰元年建巳月按唐史
四月大赦改元復以正月爲歲首是月肅宗崩
代宗即位五月有嚴公枉駕草堂詩秋送嚴侍
郎至綿州其詩略曰鼎湖瞻望遠象闕憲章新

上守書

尋避成都之亂入梓州有九日奉寄嚴大夫詩
及嚴武巴嶺荅杜二見憶作後歸成都草堂詩
略曰大將赴朝廷群小起異圖而唐史於此年
書七月劔南西川兵馬使徐知道反又別書是
年六月以兵部侍郎嚴武爲西川節度使而知
道拒武不得進今以先生詩文參考之是歲爲
夏武皆守蜀殆赴朝廷之後蜀中始亂然八哀
詩謂嚴公三掌華陽兵又諸將五詩一謂武守
蜀者亦曰主恩前後三持節通鑑亦書武三鎮
劔南必嘗有是命第未詳何年冬游射洪通泉
二縣有至金華山觀盡陪王侍御登東山十古

詩其詩有曰南京亂初定及以次年春日戲郝使君詩可考此行在是歲蓋居梓州止涉一春也

代宗廣德元年癸卯

是歲召補京兆功曹不赴時嚴武尹京有春日寄馬巴州詩注曰時除京兆功曹在東川而本傳與集記作上元年間舊譜作永泰年皆誤

春夏在梓州賦詩頗多亦嘗暫游左綿有題涪

城縣香積寺

縣在梓中塗

絲州巴西驛亭城上詩皆

春晚作也秋九月至閬州有祭故相國房公文東樓筵十一舅往青城發閬中諸詩冬回梓州

杜少陵

九

有冬狩行別章使君柳字韻諸詩遂挈家再入閬州按唐史十月吐蕃陷京師代宗幸陝十二月至自陝

二年甲辰

春居閬中有傷春五首別本註曰巴閬僻遠傷春罷始知春前已收宮闕集中乃編作夔州詩又有收京三首而編作鳳翔行在詩尤為差誤按唐史正月合劔南東西川為一道以黃門侍郎嚴武為節度使有奉待嚴大夫詩略曰不知旌節隔年回是也春晚自閬携家歸蜀再依嚴鄭公奏為節度使參謀有先寄嚴鄭公五詩及草

堂四松水檻營屋揚旗諸詩略曰別來忽三歲以游梓閬跨三年也及他詩言三年者非一而集記乃書入蜀復適東川上元二年聞嚴武鎮成都自閬挈家往依焉其舊譜又多因之

永泰元年乙巳

春在嚴公幕府有正月二日歸溪上及春日江村憶昔諸詩時授檢校工部員外郎賜緋見之春日江村詩中夏以嚴公卒遂發成都泛舟順流經嘉戎渝忠諸郡皆有詩

青溪驛隸嘉州據為縣

秋末留

寓夔州雲安縣有九日及十二月一日諸詩按唐史四月嚴武卒冬蜀中大亂而集記謂先生

梓州譜

十一

避地梓州亂定歸成都無所依乃泛江游嘉戎又編梓州秋冬數詩於再至成都詩後非也舊譜尤誤

大曆元年丙午

春在雲安有杜鵑客堂諸詩春晚移居夔州有詩最多合次年所賦古律詩幾盈五卷

二年丁未

終歲居夔州春自白帝城遷寓瀼西先有瀼西寒望詩略曰瞿唐春欲至定卜瀼西居又暮春題瀼西草屋詩略曰久嗟三峽客再與暮春期乃是歲也

三年戊申

春發白帝下峽泊舟江陵秋晚遷寓公安縣數
月歲暮發公安至岳州有發劉郎浦

在公安之
下石首縣

歲

晏行泊岳陽城下諸詩

四年己酉

春初發岳陽泛洞庭至潭州遂留終歲有春日
岳麓山道林二寺行夏日江閣卧病暮秋枉裴
道州手札對雪諸詩

五年庚戌

春正月有追和故高蜀州人日見寄詩尋發長
沙入衡陽有上水遣懷并二月紀行諸詩至衡

杜少陵

十一

有酬郭受詩而受詩有云春興不知凡幾首衡
陽紙價頓能高三月復在長沙有清明詩以唐
史氣朔考之是歲三月三日清明故卒章曰况
乃今朝更拔除按唐史夏四月八日庚子湖南
兵馬使臧玠殺其觀察使崔瓘先生避亂竄還
衡州有衡山縣學堂入衡州舟中苦熱遣懷諸
詩其詩曰遠歸兒侍側又曰久客幸脫免又曰
中夜混黎吐脫身亦奔竄乃知嘗寓家衡陽獨
至長沙遂罹此變本傳謂先生數遭寇亂挺節
無所汙是也尋於江上阻暴水半旬不食耒陽
聶令具舟致酒肉迎歸一夕而卒舊譜乃書還

襄漢卒於岳陽尤誤後餘四十年其孫嗣業始克歸葬於偃師元和八年癸巳歲也聞今未陽縣南猶有先生墳及祠堂在焉議者謂元微之先為墓係而卒不能歸葬也

嘉興魯言撰

睿宗先天元年壬子

正月改太極五月改為延和明皇以是年八月改元

按公志及傳皆云年五十九卒於大曆五年辛亥詩史云開元元年癸丑公生公上大禮賦云臣生陛下淳樸之俗行四十載公天寶十載奏賦年三十有九逆節公今年生呂汲公攷公生先天元年癸丑天寶十三載奏賦若十三載公當四十三歲矣唐書宰相表及紀年通譜先天元年壬子而譜以為癸丑集祭房公廣德元年歲次癸卯而譜以為甲辰皆差一年

開元元年癸丑
三年乙卯

公郾城觀公孫弟子舞劍行云開元三年余尚童穉於郾城觀公孫舞劍器年譜以為三年丙辰按公是年纔四歲年必有誤公進鵬賦表云臣素賴先人緒業自七歲所綴詩筆向四十載矣約千有餘篇則能憶四歲時事不為誤也

十四年丙寅

公初遊選場壯遊曰往昔十四五出遊翰墨場

斯文崔魏徒以我似班揚

二十三年乙亥公年二十四

公作開元皇帝皇甫淑妃豐碑曰歲次乙亥十月癸未朔薨又曰野老何知斯文見託不論官闕游夏入文學之科意公尚白衣天寶十載始上三大禮賦起家授河西尉或以爲是年未應稱野老當是天寶十載辛卯銘曰列樹拱矣豐碑闕然乃知後來方立碑也但未能攷其定於何年

二十五年丁丑

史云公少不自振客遊吳越齊趙故壯遊曰東

杜詩

十三

下姑蘇臺已具浮海航到今有違恨不得窮扶桑歸帆拂天姥中歲貢舊鄉忤下考功第拜辭京尹堂放蕩齊趙間裘馬頗清狂春登吹臺上冬獵青丘旁遊梁亦曰昔我遊宋中惟梁孝王都憶與高李輩論文入酒壚氣酣登吹臺懷古視平蕪昔遊曰昔與高李輩晚登單父臺山脚曰昔我遊山東憶戲東岳陽窮秋立日觀矯首望八荒公居城南嘗預京兆薦貢而考功下之唐初考功試進士開元二十六年戊寅春以考功郎輕徙禮部以春官侍郎主之公之適齊趙當在此歲以前

二十九年辛巳

公有酹遠祖晉鎮南將軍于洛之首陽酹文十
三葉孫甫開元二十九年歲次辛巳

天寶元年戊午公年三十一

南曹小司寇於我太夫人堂下壘土爲山之作
系云天寶初

六載丁亥

公應詔退下元結諭友曰天寶六載詔天下有
一藝詣轂下李林甫相國命尚書省皆下之遂
賀野無遺賢于庭公上韋左相曰主上頃見徵
倏然欲求伸青冥却垂翅蹭蹬無縱鱗上鮮于

杜荀謀

十四

京兆曰獻納紆皇眷中間謁紫宸破膽遭前政
陰謀獨秉鈞正謂此邪

九載庚寅紀十一月封華岳
十載辛卯公年四十

公奏三大禮賦元稹誌曰賦奏命宰相試文授
右衛率府胄曹吏云公奏賦帝竒之命待制集
賢院召試文授河西尉不拜改右衛率府胄曹
公官定後戲贈曰不作河西尉淒涼爲折腰老
夫怕奔走率府且逍遙莫相疑行曰憶獻三賦
蓬萊宮自怪一日聲烜赫集賢學士如堵牆觀
我落筆中書堂史集皆以爲十二載按帝紀十

載行三大禮十三載未當郊况表云臣生長陛下淳樸之俗行四十歲矣故知當在今歲原叔云新書作召試京兆府兵曹新書乃今舊書也今書作曹曹進西岳賦表乃云委學官試文章皆不同除夕曲江族弟位宅守歲曰四十明朝過年譜云上韋左相詩云鳳曆軒轅紀龍飛四十春壯遊放蕩齊趙間裘馬頗清狂快意八九年西歸到咸陽則公歸自齊趙乃應詔奏賦又數年間事也

十三載甲午公年四十三

玄宗紀秋八月甲子朔文部侍郎韋見素拜中

杜方謨

十五

書門下平章事公贄見韋左相詩云龍飛四十春又曰愚蒙但隱淪則此詩似未獻賦前封西岳賦表云臣本杜陵諸生年過四十又一云蓋長安一匹夫爾次歲國家有事郊廟幸得奏賦待制於集賢委學官試文章再降恩澤送隸有司參列選序則此賦又在三大禮賦後詩史以為十二載未詳紀二月丁丑揚國忠為司空公表云陛下元弼克生司空斯文不可寢已則此賦當在未封西岳前而紀封華岳在九載又當考也

十四載

十一月安祿山反陷河北諸郡公有自京赴奉先作註云此年十一月作集註云公在率府欲辭職遂作去矣行而家屬先在

奉先詩史云前北反書未聞公已逸身畿甸

十五載丙申公年四十五

祿山僭帝于東京公在奉先以舅氏崔十九翁為白水尉故適白水有高齋三十韻六月辛未

賊入潼關駕幸劍外七月甲子肅宗即位靈武公漸北過彭衙行曰憶昔避賊初北走經險艱

夜深彭衙道馮翊界月照白水山屬同州少留周家

空欲出蘆子關七月寓于鄜川有三川觀漲詩

屬州曰我經華原來長安北公羸走靈武賊得之

故贈韋評事詩曰昔沒賊中時潛與子同遊公

沒賊中有九日藍田崔氏莊以下十三首

至德二載丁酉公年四十六

公春在賊中曲江行曰少陵野老吞聲哭春日

潛行曲江曲自正月乙卯祿山死二月戊子肅

宗次鳳翔李光弼敗安慶緒于太原郭子儀敗

安慶緒于潼關又敗于永豐倉公西走鳳翔達

鳳翔行在曰西憶岐陽信無人遂却回又曰司

隸章初覩南陽氣已新又述懷曰去年潼關敗

妻子隔絕久今夏草木長脫身得西走元微之

誌云步謁肅宗行在拜左拾遺舊書云自京師

宵遁赴河西謁肅宗於彭原新書云拜右拾遺
非是房綰罷相印甫上疏不宜免帝怒詔三司
雜問以張錫言帝解救之公有狀謝口勅又有
六月十二日薦岑參諫官狀皆可考新史云自
是帝不甚省錄公家寓鄜彌年孺弱至餓死許
甫往省親呂汲公考云八月墨敕放還鄜州有
北征詩舊史云肅宗怒貶甫為華州司功曹非
是實錄言御史大夫韋陟言當考北征曰皇帝
二載秋閏八月初吉杜子將北征蒼茫問家室
贈節度李重進曰青袍朝士最苦者白頭拾遺
徒步歸閏八月朔甲寅賊安慶緒寇好時渭北

杜詩語

十七

節度李光弼進戰却之渭北壘空公得北首鄜
路送韋宙同谷曰鑿輿駐鳳翔受詞太白脚秋
旋自鄜時廔從還闕贈嚴賈二閣老曰法駕還
雙闕王師下八川此時霑奉引佳氣拂周旋十
月丁卯天子還闕公臘日供奉紫宸曰臘日常
年暖尚遙今年臘日凍全消十二月上皇至自
蜀以蜀郡為南京鳳翔為西京西京為中京
乾元元年戊戌公年四十七

春公有紫宸退朝口號賡賈至朝大明宮宣政
殿晚出左掖又退朝出左掖直夜題省中壁等
詩微之誌公左拾遺歲餘以直言出華州司戶

悲往事繫白至德二載甫自京金光門出道歸
鳳翔乾元初從左拾遺移華州掾與親故別因
出此門有悲往事曰近得歸京邑移官豈至尊
必大臣有不樂公者至華題鄭縣亭子曰雲斷
岳蓮臨大路天晴宮柳暗長春唐官儀功曹主
秋賦公有秋策問進士七月代華牧論殘寇狀
上朝廷策士文公及冬出潼關東征洛陽道史
不載有閩鄉姜七少府設鱸及湖城遇孟雲卿
歸劉顥宅飲宿等詩

二年己亥公年四十八

春留東都三月九節度之師潰于滏水郭子儀

杜尚書

十八

斷盟津退守洛師公有新安吏石壕吏等詩歸
華放情山水間嘗遊伏毒寺有憶鄭南曰鄭南
伏毒寺蕭灑到江心鮑公詩譜云夏去華之秦
公有秋華下苦熱曰七月六日苦炎蒸對食暫
餐還不能立秋後題曰平生獨往願惆悵年半
百罷官亦由人何事拘形役自是有浩然志史
云關輔餓輒棄官去客秦州貧採橡栗自給有
秦州二十首曰滿目悲生事因人作遠遊遲回
度隴怯浩蕩及閔愁公厭秦隴要衝人事煩夥
西南命駕遊同谷別贊上人曰天長關塞寒歲
莫飢凍通野風吹征衣欲別向曛黑冬十月發

秦州曰我衰更嬾拙生事不自謀無食思藥土
無衣思南州至同谷作七歌寓同谷不盈月十
二月一日發同谷曰始來茲山中休駕喜地僻
柰何迫物累一歲四行役公自京至華至秦至
同谷赴劔南凡四史曰同谷採橡栗自給流落
劔外公詩云邑有佳主人又曰臨歧別數子握
手淚再滴非寥落而遷殆迫於寇攘也送韋宙
從事同谷曰此邦承平日剽切吏所羞又曰古
來無人地今代橫戈矛當時必為羌戎所迫但
史不載止云十二月史思明寇陝州公度栗亭
趨劔門木皮嶺曰季冬携童稚辛苦赴蜀門鹿
頭山曰鹿頭何亭亭是日慰飢渴連山西南斷
俯見千里豁冀公柱石姿論道邦國活裴冕鎮
成都公遂下居錦江成都曰我行山川異忽在
天一方自古有羈旅我何苦哀傷

上元元年庚子公年四十九

裴冀公為公卜居成都西郭浣花溪成都記草
堂寺府西七里浣花寺三里寺極宏麗公卜居
曰浣花流水水西頭主人為卜林塘幽公寓浣
花雖有江山之適羈旅牢落之思未免故二年
之間有赴青城縣成都西暫如新津出成都寄陶
王二少尹寄高彭州投簡成華兩縣諸子等詩

柳芳謗曰高適乾元初刺彭州公乾元初客秦
有寄適于彭州上元初適牧蜀而公乃有寄高
彭州詩當考

二年辛丑八年五十

紀夏四月劍東東川節度兵馬使段子璋反陷
綿州節度使李奂奔于成都五月劍南節度使
崔光遠克東川段子璋伏誅公戲作花鄉歌曰
成都猛將有花鄉學語小兒知姓名綿州刺史
着柘黃我鄉掃除即日平子璋髑髏血模糊手
提擲還崔大夫李侯重有此節度人道我鄉絕
世無舊唐傳云梓州刺史段子璋反以兵攻東

杜少甫

二十

川節度使李奂適率州兵與西川節度崔光遠
攻子璋斬之西川牙將花驚定者恃勇既誅子
璋大掠東蜀新史云梓屯將段子璋反適從崔
光遠討斬之而光兵不戢遂大掠天子怒遂以
適代爲西川節度紀傳與此詩皆不同當知公
紀事爲審也九月壬寅大赦去上元號稱元年
以十一月爲歲首以斗所建爲名公草堂即事
曰荒村建子月獨樹老夫家春秋變古則書之
公此意也年譜與史云嚴武鎮成都甫往依焉
新史云上元二年冬黃門侍郎鄭國公嚴武鎮
成都奏爲節度參謀檢校尚書工部員外郎賜

緋魚公先赴成都裴公爲卜居浣花里譜傳皆
非是嚴中丞枉駕見適系云嚴武東川除西川
勅除兩川都節制詩云元戎小隊出郊坰問柳
尋花到野亭川合東西瞻使節地分南北任流
萍辭意皆與傳異詩史云地志劍西益彭蜀其
州二十有八劍東梓綿劍普十州綿爲都會肅
宗實錄子璋盜綿州改年黃龍州曰龍安府代
宗實錄武京兆少尹御史中丞賊思明阻兵京
師頗自矜大命綿州刺史未幾東劍節度詔兩
劍一道新傳坐房綰貶巴州久之遷東川玉壘
記是年崔光遠尹成都花驚定平段難而士卒

杜寺普

三二

剽掠士女至斷腕取金詔監軍按其罪十二月
恚死

寶應元年壬寅

上元二年九月改元年二年四月改寶應

武至成都公奉和嚴中丞西城晚眺詩蜀困於
調度嚴數從公往來寄題杜二錦江野亭云莫
倚善題鸚鵡賦何須不着鷄鸛冠公酬云謝安
不倦登臨賞阮籍烏知禮法踈公結廬浣花涉
三年草堂曰經營上元始斷手寶應年浣花曰
萬里清江上三年落日低四月己巳代宗即位
召武公送嚴入朝曰鼎湖瞻望遠象闕憲章新
四海猶多難中原憶老臣送嚴到綿州同登杜

使君江樓曰歸朝送使客落景惜登臨詩史召武爲太子賓客傳還拜京兆尹爲二聖山陵橋道使封鄭公遷黃門侍郎公初與武云中丞梓州九日贈武曰大夫此詩曰侍郎再鎮蜀曰上嚴鄭公前後自可考也晚月呈漢中王多在中秋七月劔南西川兵馬使徐知道反八月己未伏誅公吟射洪曰南京亂初定故公欲駕梓至梓已重陽九日登城九日奉寄嚴大夫曰不眠持漢節何路出巴山嚴巴嶺谷曰昨向巴山落日時兩鄉千里夢相思時嚴猶未出巴地也秋歸成都迎家遂徑往梓十一月往射洪縣南途中有作南之通泉縣亦梓州邑適郭代公故宅陪王侍御因登東山最高頂宴姚通泉晚攜酒涪江汎舟皆一時作也

廣德元年癸卯

春日梓州登樓曰行路難如此登樓望欲迷又曰厭蜀交遊冷思吳勝事繁應須理舟楫長嘯下荆門公已有東下之興公送辛負外暫至綿還梓州陪章侍御宴南樓陪章侍御惠義寺秋章梓州水亭時公將適吳楚留別章使君留後曰終作適荆蠻安排用莊叟秋故相房瑄薨公有九月壬戌祭房公文公轉遊閬中爲閬州王

使君進論巴蜀安危表警急曰玉壘雖傳檄松
州已解圍系云時高公適領西川節度使時吐蕃犯塞為中國
患公痛其猖獗疾蜀無善將以守要害明年武
再出鎮蜀道始安是歲君補京兆功曹果赴

二年甲辰公年五十三

公自梓之閬有閬山歌等詩送李梓州之任并

寄章十侍御

系云初時罷梓州刺史東川留後將赴朝廷

二公交印

正在今春有將赴荆南遊有將赴荆南寄別李
劍州遊子曰巴蜀愁誰語吳門興杳然公時意
未有所適會嚴武復節度劍南東西川公往依
焉贈武曰殊方又喜故人來重領還須濟世才

杜音

二十三

嘗怪偏裨終日待不知旌節隔年回房瑄薨閬
州贈一品公別房太尉墓曰他鄉復行役駐馬
別孤墳自閬州領妻子却赴蜀山三首曰汨汨
避羣盜悠悠經十年不成向南國復作遊西川
將赴成都草堂途中有作先寄嚴鄭公旋錦江
贈王侍御曰一別星橋夜三回斗柄春亦曰猶
得見殘春微之誌曰劍南節度嚴武狀為工部
員外郎參謀軍事公揚旗系云二年夏六月成
都尹鄭公置酒公堂觀騎士新旗幟曰三州陷
犬戎但見西嶺青代宗紀曰廣德元年失松維
州柳芳歷廼曰糧運絕西川節度高適不能軍

吐蕃陷松維保三州以公詩考之當然武軍城
早秋曰昨夜秋風入漢關朔風邊雪滿西山更
催飛將追驕虜莫遣沙場匹馬還公和曰秋風
嫋嫋動高旌玉帳分弓射虜營已收滴博雲間
戍更奪蓬婆雪外城遣悶曰胡為來幕下只合
在舟中黃卷真如律青袍也自公公放誕不樂
吏檢雖鄭公禮寬心契尤每見意史云性褊躁
傲誕嘗醉登武床瞪視曰嚴挺之乃有此子武
亦暴猛外若不忤中銜之一日欲殺甫及梓州
刺史章彝集吏於門武將出冠鉤于簾三左右
白其母奔救得止獨殺彝舊史不載以公詩考
之武來鎮蜀彝已交印入覲公再依武相歡洽
無恨之意史當失之

北史

三四

永泰元年乙巳公年五十四

正月三日竟歸溪上有作簡院內諸公曰白頭
趨幕府深覺負平生夏四月庚寅嚴公薨公有
哭歸柩五月癸丑詔定襄郡王郭英乂節度劍
南紀閏十月劍南西山兵馬使崔旰反寇成都
郭英乂奔于靈池普州韓澄殺之崔寧傳寧本名旰
永泰元年武卒行軍司馬杜濟等請郭英乂為
節度寧亦丐大將王崇俊朝廷次用英乂英乂
恨之召寧寧不敢還英乂自將討之寧還攻英

又英又不勝走靈池於是劔南楊子琳起瀘州
與邛州栢貞節連和討寧明年詔杜鴻漸山西
劔南等道副元帥平其亂入成都政事一委寧
乃表貞節為邛州刺史子琳為瀘州刺史以和
解之大曆三年寧來朝楊子琳襲取成都以公
詩考之成都亂再至東川相從行曰我行入東
川十步一回首成都亂罷氣蕭蕭瑟沅花草堂亦
何有梓州豪桀大者誰本州從事知名久公歸
成都止以嚴公再鎮草堂曰昔我去草堂蠻夷
塞成都今我歸草堂成都適無虞請陳初亂時
反覆乃須臾大將赴朝廷羣心起異圖中宵斬

白馬盟歆氣已麓西收邛南兵北斷劔閣隅布
衣數十人亦擁專城居

系云即楊子琳
栢貞節之徒

賤子且

奔走三年望東吳弧矢暗江海難為遊五湖不
忍竟舍此復來雍榛蕪入門四松在步堞萬竹
踈營屋云愛惜已六載茲辰去千竿以詩訂傳
云大將赴朝廷羣小起異圖以為嚴公後來公
無再歸草堂之跡以為崔旰史云大曆三年入
朝寧本名旰至是賜名留其弟守成都楊子琳
乘間起瀘州以精騎數千襲據其城寧妻任募
勇士自將以進子琳引去公厭蜀思吳下荆門
遂南下夏艤成州燕戎州使君東樓瑜州候嚴

六侍御至忠州有燕使君姪宅及夏泊雲安至
十二月一日三首今朝臘月春意動雲安縣前
江可憐公已不樂雲安欲遷夔趙使以爲永泰
元年四月嚴武卒五月下忠渝大曆元年在雲
安與詩文皆差一年高常侍永泰元年正月卒
公有聞高常侍亡系云忠州作知公以永泰元
年下渝忠但草堂所紀却是嚴公薨後事不敢
妄定姑從舊次

大曆元年丙午公年五十五

題子規曰峽裏雲安縣江樓翼瓦齊移居夔州
郭曰伏枕雲安縣遷居白帝城春知催柳別江

杜年譜

廿六

與放船清客居曰西南失大將商旅自星奔今
又降元戎已聞動行軒此詩方及失大將聞杜
鴻漸出鎮與史年亦差暮春遷居瀼西有暮春
題瀼西新賃草屋五首

大曆二年丁未公年五十六

在夔州西閣立春日巫峽寒江那對眼杜陵遠
客不勝悲雨詩曰冥冥甲子雨已度立春時資
治通鑑大曆二年正月辛亥朔至十二甲子諺
云春雨甲子赤地千里移居赤甲有入宅赤甲
二詩曰卜居赤甲遷居新兩見巫山楚水春三
月自赤甲遷居瀼西有小居暮春題瀼西新賃

草居五首秋又移居東屯有灤西荆扉且移居
東屯茅屋四首曰東屯復灤西一種住青溪來
往皆茅屋淹留為稻畦訖冬居夔

大曆三年戊申公年五十七

太歲日曰楚岸行將老巫山坐復春時第五弟
漂泊江左近得消息遠懷顛觀等曰陽翟空知
處荆南近得書正月中旬定出三峽曰自汝到
荆府書來數喚吾頌椒涼風詠禁火上懼娛公
因觀在荆楊遂發棹有將別巫峽贈南卿兄灤
西果園四十畝曰正月喧鷺末茲辰放鷓初夏
有和江陵宋大少府兩後同諸公及舍弟宴書

北岸書

十一

齋秋又不安於荆南舟中出南浦奉寄鄭少尹

曰更欲投何處飄然去此都是秋移居公安前南

屬巴州府南復東下發劉郎浦十道志在荆州曰掛帆早

發劉郎浦疾風飄飄昏亭午曉發公安系云數月憇息

此泊岳陽城下巴陵郡曰岸風翻夕浪舟雪洒寒

燈則冬至岳陽矣

大曆四年己酉公年五十八

陪裴使君登岳陽樓曰雪岸叢梅發春泥百草
生敢違漁父問從此更南征公將適潭詩譜云
此年春自岳陽至潭遂如衡畏熱復迴夏將如
襄陽秋將歸秦皆不果卒留潭自是率舟居詠

懷及上水遣懷及銅官渚守風皆自岳陽入潭
時作蓋自岳之潭之衡爲上水而自衡回潭爲
順水詩皆可考

五年庚戌公年五十九

春去潭至衡清明日著處繁華憐是日長沙千
人萬人出則公在潭至夏湖南兵馬使臧玠殺
其團練使崔灌又是歲湖南將王國良反及西
原蠻寇州縣故公益南至衡山縣謁文宣新學
堂呈陸宰及入衡州備述臧玠等亂末云橘井
舊地宅仙山引舟航此行厭暑雨歛土聞清涼
諸舅剖符近開緘書札光橘井在郴州諸舅謂

北行註

廿八

崔偉前有送二十三舅錄事之楊郴州詩公將
往依焉公又至耒陽州東南遊岳祠大水遽至
涉旬不得食聶耒陽以公阻水致酒肉療飢荒
江詩得代懷興盡本韻至縣呈聶令傳云令嘗
饋牛酪白酒大醉一夕卒王彥輔辨之爲詳以
詩考之公在耒陽畏瘴癘是夏賊當已平乃泐
湘而下故回棹之什曰衡岳江湖大蒸池疫癘
偏羅含湘中記又順浪翻堪倚回帆又省牽登
舟將適漢陽曰春宅棄汝去秋帆催客歸又暮
秋將歸秦留別湖南幕府親友則秋已還潭暮
秋北首其卒當在衡岳之間秋冬之交元微之

誌云子美之孫嗣業啓子美之柩襄拊事於偃
師途次于荆拜余爲誌辭不能絕其略云扁舟
下荆楚竟以寓卒旅殯岳陽呂汲公年譜云大
曆五年辛亥是年夏還襄漢卒於岳陽以詩考
之大略可見傳言卒於耒陽非也汲公云是夏
亦非也今九域志衡州有公墓又未知信然或
附會邪



秦少游云蘇武李陵之詩皆高妙曹祖劉琨之詩亦高豪
逸陶潛阮籍之詩亦冲淡而空靈運甯殷之詩亦峻潔徐
凌庾信之詩長於藻象子美第高妙之格極高遠之氣象
包冲淡之趣兼峻潔之姿備藻象之態而清高之作亦不
及焉

二十九

石林葉少蘊云禪宗論空門有三種語其一隨波逐浪謂
隨好隨惡不主故常其二截斷崖流謂超出言外非情
祇可到其三函乾坤謂浪迹皆空無間之觀其深淺
以是爲序余嘗戲謂老杜詩亦有此三種語波飄菰
米沉金寒露冷蓮房墜粉紅爲函乾坤句甘露化遊
絲白日靜鳴鳩乳燕青杏深石隨波逐浪句百年地
闌紫門迥五月江深草閣寒爲截斷崖流句

本集





分門集註杜工部詩

二